



Na osnovu člana 48. Statuta Rudnika mrkog uglja "Kakanj" d.o.o. -Kakanj i Preporuke Komisije za javnu nabavku, broj: 14-45-01/26 od 12.01.2026. godine, po provedenom otvorenom postupku (OP: 74/25 – Nabavka lanaca grabuljastih transportera), a u skladu sa članom 70. i 71. Zakona o javnim nabavkama ("Sl. glasnik BiH", broj: 39/14, 47/14, 59/22, 50/24), direktor Iso Delibašić, dipl. ekonomista i prokurist Adi Hamidović, dipl.inž.maš., donijeli su:

ODLUKU

o izboru najpovoljnijeg ponuđača

Član 1.

Za najpovoljnijeg ponuđača za nabavku roba – Nabavka lanaca grabuljastih transportera, po provedenom otvorenom postupku, broj OP: 74/25, izabran je sljedeći ponuđač:

Naziv / ime ponuđača	Ukupno ponuđena cijena bez PDV-a
"BRATSTVO HOLDING" d.d. Novi Travnik	37.990,00 KM

Član 2.

Prijedlog ugovora o nabavci dostavit će se na potpis izabranom ponuđaču "BRATSTVO HOLDING" d.d. Novi Travnik.

Član 3.

Obavezuje se izabrani ponuđač iz člana 1. ove Odluke da u roku od 5 (pet) dana od dana prijema ove Odluke dostavi dokaze tražene tačkom 3.1. (član 45. Zakona o javnim nabavkama) tenderske dokumentacije, ukoliko iste nije dostavio u svojoj ponudi.

Član 4.

Za izvršenje ove odluke zadužuje se i ovlašćuje Služba za javne nabavke Rudnika mrkog uglja "Kakanj" d.o.o. -Kakanj.

Član 5.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 6.

Ova odluka dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke o pokretanju postupka javne nabavke, broj: 01/D-01-43-13263/25 od 04.12.2025. godine.

Procijenjena vrijednost javne nabavke bez PDV-a je 59.300,00 KM.

Obavijest o nabavci broj: 967-I-I-523-3-303/25 objavljena je na Portalu javnih nabavki dana 08.12.2025. godine.

Komisija za javnu nabavku je sačinila Zapisnik o ocjeni ponuda, broj: 14-24-01/26 od 08.01.2026. godine i Preporuku o izboru najpovoljnijeg ponuđača, broj: 14-45-01/26 od 12.01.2026. godine, u postupku javne nabavke roba – Nabavka lanaca grabuljastih transportera.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda tri (3)
- da su blagovremeno zaprimljene tri (3) ponude
- da nije bilo neblagovremeno zaprimljenih ponuda

- da su ponude ponuđača "ENEK B&E" d.o.o. Sarajevo, "INDUSTRIJA PROMET" d.o.o. Zagreb i "BRATSTVO HOLDING" d.d. Novi Travnik prihvatljive,
- da nije bilo neprihvatljivih ponuda.

Ugovorni organ NE primjenjuje preferencijalni tretman domaćeg (preferencijalni tretman cijene) iz člana 67. Zakona o javnim nabavkama.

Odluka o obaveznoj primjeni preferencijalnog tretmana domaćeg broj: VM 89/2020 od 29.05.2020. godine ("Službeni glasnik BiH", broj: 34/20), donesena od strane Vijeća ministara Bosne i Hercegovine, prestala je sa važenjem dana 01.06.2021. godine.

S obzirom da Vijeće ministara Bosne i Hercegovine nije donijelo poseban podzakonski akt kojim se reguliše primjena preferencijalnog tretmana domaćeg, to prema članu 67. Zakona o javnim nabavkama, ne postoji pravni osnov za primjenu preferencijalnog tretmana domaćeg.

Ugovorni organ je u Obavještenju o nabavci, broj: 967-1-1-523-3-303/25 od 08.12.2025. godine, predvidio provođenje e-aukcije u skladu sa Pravilnikom o uslovima i načinu korištenja e-aukcije.

Nakon što je Komisija Ugovornog organa utvrdila koje od pristiglih ponuda su prihvatljive, a što je konstatovano Zapisnikom o ocjeni ponuda, zakazana je e-aukcija za dan 12.01.2026. godine, sa početkom u 09⁰⁰ sati. Komisija Ugovornog organa je predvidjela da aukcija traje 20 minuta.

S obzirom da su pristigle 3 (tri) ponude ponuđača "ENEK B&E" d.o.o. Sarajevo, "INDUSTRIJA PROMET" d.o.o. Zagreb i "BRATSTVO HOLDING" d.d. Novi Travnik ocijenjene kao prihvatljive, to su iste označene za učešće u e-aukciji.

Po završetku e-aukcije utvrđeno je da je u postupku nabavke – Nabavka lanaca grabuljastih transportera, najpovoljniji ponuđač "BRATSTVO HOLDING" d.d. Novi Travnik.

E-aukcije je završena 12.01.2026. godine u 09⁴⁰ sati.

U postupku donošenja ove odluke posebno su cijanjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka direktor nije našao razloge, nepravilnosti niti propuste u radu koji bi eventualno bili osnov za neprihvatanje Preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

- Najniže cijene, kako slijedi:

Naziv / ime ponuđača		Ukupno ponuđena cijena bez PDV-a
1.	"BRATSTVO HOLDING" d.d. Novi Travnik	37.990,00 KM

Iz navedenih razloga, primjenom člana 64. stava (1) tačka b) najniža cijena Zakona o javnim nabavkama odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba Rudniku mrkog uglja "Kakanj" d.o.o. -Kakanj, najkasnije u roku od 10 (deset) dana od dana prijema ove odluke.

Prokurist

Adi Hamidović, dipl.inž. mašinstva



Direktor

Iso Delibašić, dipl. ekonomista

Dostavljeno:

1x Direktor

1x Učesnici u postupku javne nabavke

1x a/a